

## **De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

4 Vtrum idololatria sit tantummodo in cultu, quo creatura instar Dei  
colitur.

---

[urn:nbn:de:hbz:466:1-72459](#)

tum hominum mortuorum ; qualis est cultus Iouis, Saturni, Martis, & similium. secundam, ipsarum statuarum, & dæmonum in statuis. tertiam, clementorum & partium mundi, ut solis, lunæ, siderum. quartam, aliarum rerum generi humano commodatum, vel noxiarum.

<sup>15</sup> Petes, Quomodo ergo Psal. 95. dicitur ; *Omnis dñij gentium demonia?*

Respondeo, Quia quidquid gentes colebant, per idola & in idolis colebant : hæc autem dæmonis plena erant, quæ statuas ipsas veluti animabant : & ita dæmones in ipsis colebantur. Intendebant enim gentes honorem deferre numini, quod in statuus se manifestabat ; quod ipsis quidem putabant esse numen solis, lunæ, Iouis, Veneris, aut alterius rei : tamen reverè etat diabolus, qui illarum rerum & personarum nomina assumebat, ut ipse sub illis coleretur : de quo vide Lactantium lib. 2. diuinarum instit. cap. 16. & Euseb. de preparat. euangel. lib. 4. cap. 6. Hinc à postulo

1. ad Corinth. 10. *Sciimus quia nihil est idolum in mundo;* (id est, nulla est diuinitas in mundo, quæ per idolum representatur) *sed quæ immolant gentes, dæmonis immolant,* (numitrum qui in statuus se exhibent) & non Deo : *nolo vos facias fieri dæmonum.* Vide D. Augustinum lib. 8. de ciuit. cap. 24. vbi hanc responditionem insinuat.

Aduerte tamen, pro *dæmonia* in Hebraeo esse *Elilim*, quæ vox est à 70. recte veritatem *dæmonia*, tamen etiam significat *res vanas*, & consequenter *idola*, quia nihil his vanis aut imbecillius : & ita sensus est, *omnes dñij gentium vani* ; cui bene responderet altera pars versiculi per antithesim, *Dominus autem celos fecit.* q.d. omnes dñij gentium nullius virtutis, sed noster Deus est omnipotens, &c.

<sup>16</sup> Nec obstat, quod Platonici & alij Philosophi etiam coluerint Angelos, quos appellabant minores deos, & præterea summum Deum, deorum minorum patrem & conditorem ; idque absque statuus : quia Propheta loquebatur de diis populorum qui publicè colebantur, non autem de diis aliquorum Philosophorum, quos ipsi colebant priuatum : quamvis etiam dum hos se colere existimabant, diabolum, qui le fitigebat esse de numero illorum, coluerint. Ita etiam diabolus est auctor hominibus colendæ creaturæ loco Dei, ut hunc honorem aliqua arte ad se transferat, sibiisque impendi, et si sub alieno nomine, curerit ; vt tradit D. Augustinus tum alibi, tum l. 8. de ciuit. cap. 24.

#### D V B I T A T I O I V .

*Vtrum idolatria sit tantummodo in cultu, quo creatura instar Dei colitur.*

<sup>17</sup> *Sententia  
hereticorum.*

**Q**uidam heretici docent, nō solum tunc propriæ idolatriam committi, quando creatura colitur loco Dei, sed etiam quando Deus verus colitur aliquo cultu quem ipse non mandauit. unde concludunt, Catholicos idolatriam committere quando colunt Deum vel Sanctos per imagines ; quia Deus hoc non mandauit. Ita docet Herbrandus Lutheranus, ut refert noster Gregorius à Valentia, 2. 2. disput. 6. q. 11. punclo 1. quem ibi fuisse refutat. Idem autem docuit Caluinus lib. 1. Instit. c. 11. n. 8. & 9. vbi id etiam ex eo confirmat,

quod Iudæi adorantes virulum aureum in deserto, non intenderint cultum deferre illi imaginis, quam scirent nullam vim habere ; (neque enim tam citò potuisse obliuisci eorum quæ Deus fecerat in Ægypto & mari rubro) sed Deo vero per ipsam : iudicari tamen idololatras, quod id fecissent per imaginem, quod Deus ipsis non manda-  
verat. Idem censet de paganis, quorum idolatriam vult in eo confitere, quod Deum verum voluerint sibi presentem habere per imagines, & in illis eum coluerint. Sed hæc tentatio non foliū est heretica, sed etiam absurdaria & aperte falsa.

<sup>18</sup> Primò, Quia nomen *idolatria* in Scriptura sacra, & apud Scriptores ecclesiasticos numquam accipitur nisi pro cultu quo creatura colitur loco Dei, vel pro affectu, quo quis adhaeret creaturæ tamquam Deo, seu tini vltimo : adeò vt etiam quando metaphoræ capitur, (vt cum avaritia vocatur idolatria) respiciat creaturam quodammodo tamquam Deum.

Secundò, Aperte falsum est, Iudæos & paganos <sup>Ethiici.</sup> in idolis coluisse verum Deum : nam de genitibus dicitur ad Roman. 1. *Scriuerunt creature portius quam creatoris.* 1. ad Cor. 10. *Quæ gentes immolant, dæmonis immolant, & non Deo ;* & alia innuera. De Iudæis, Deuter. 32. *Immolarent dæmonis & non Deo, dñis quos ignorabant : noni recente que venerant, quos non coluerunt parres eorum.* Deum quicquid genuit, dereliquisti, & oblitus es Domini creatoris tui. quid dici potest clarius contra illud figuramentum Caluini? Idem habet Psal. 105. Denique sexcentis locis reprehendunt quod Deum reliquerint, & deos, qui nihil possunt, nihil norunt, nihil sentiunt, adorent.

Tertiò, Si volebant fingere similitudinem veri Dei, vt per eam ipsius recordarentur, & cultum ad ipsum dirigerent, cur portius fixerunt formam vituli, quam alterius rei, cum Deus numquam sub hac forma illis apparuerit ? Itaque hoc evidens signum est, voluisse illos colere primarium deum Ægyptiorum Apim, qui forma bouis pingebatur : idque faciebant, quia putabant illius opere eductos, & aperte Scriptura insinuat ; & forte eo fine faciebant, vt illius auxilio in Ægyptum redire possent.

Quartò, Iudæi habebant Deum verum praesentem per signa externa multò expressiora, scilicet per columnam ignis nocte & per nubem interiu, quæ diuino nutu mouebantur & sistebantur : non ergo credibile est, eos fecisse similitudinem vituli, vt praesentei haberent Deum verum, sed deum Ægyptum.

Quinto, Ridiculum est, dicere, id est aliquem cultum esse malum vel idolatriam, quia non est à Deo mandatus : multa enim sunt bona in omni genere virtutum, quæ non sunt mandata, vt in abstinentia, in eleemosyna, in oratione, in gratiarum actione, in laude, voto, &c. Nec vñquam aliquis sapientis obsequium sibi delatum iniuriam loco habuit, aut repudiavit, eo solo nomine, quod illud non mandasset. quæ enim esset ista exotica barbaries, nullum officium admittere, nisi sub pena mortis præceptum ? Imò subditus aut seruus, qui nullum obsequium aut cultum vult deferre suo Principi vel domino, nisi præcepto compulsius, hoc ipso parum obsequiosus, & parum amans honoris sui Principis, & parum illi addicetus aut virilis censetur. Vnde meritò Dominus Luca

**Lucae 17.** Cum feceritis omnia que precepta sunt vobis, dicite, Serui inutiles sumus, quod debuimus facere, fecimus.

Dicent forte, non ideo malum esse quia Dominus non mandauit, sed quia vetuimus omnem cultum, quem non mandauit: nam Deuter. 12. v. vlt. dicitur: *Quod præcipio tibi, hoc tanum facito Domino, nec addas quidquam, nec minus.* Hoc est antiquum eorum fundamentum, per quod, opus omnino non præceptum volunt esse malum, si fiat cum opinione cultus, id est, animo placandi Deo.

Sed nullies à Catholicis responsum est, ibi non excludi nisi ea quæ diuinis præceptis aduerterantur, vt sunt cærimoniae gentilium, de quibus agitur ibidem; vt pater duobus versiculis immediate præcedentibus: testimonia enim Scripturarum intelligenda sunt iuxta subiectam materiam. unde ea quæ sunt consentanea, vel iuuant ad præcepta diuina, non excluduntur. Confirmatur, quia non obstante hoc præcepto, ludus instituerat aliquot dies festos, quos Deus non præcepserat, vt patet Esther 9. Iudith 15. & 2. Machab. 10. & Apofolus 1. ad Cor. 7. commendat abstinentiam coniugij tamquam Deo gratissimam; quam tamen ait non esse à Deo præceptam.

Sexto, Etiam si nullus cultus esset licitus præter eum quem Deus præcepit, non tamen idcirco esset idolatria, sicut qui non colit Principem debita cærimonia, non eo ipso agnoscat alterum pro Principe, aut desert alteri honorem Principi debitum.

Confirmitur Primo, Quia alioquin Iudæi modò dum circumciduntur, lauantur, seruant Sabatum, edunt agnum, & alias ceremonias obeunt, vrlgein seruent & Deo placant, dicerentur propriè committere idololatriam, quod est contra communem hominum sensum. Secundo, Is, qui orat negligenter & animo vagabundo, esset idololatra: ille enim cultus non solum est à Deo non præceptus, sed etiam vetitus. Tertio, Ministri Lutherani & Calviniæ obeuentes ministerium noui euangelij, committerent idololatriam; ( vt rectè colligit Valentia ) quia Deus nusquam hunc cultum eis præcepit. quamvis forte multò deterius in hoc peccent, quam si idololatria priuatum operam darent: tunc enim se solos perderent; nunc vero & infinitos secum in barathrum præcipiant, & totam Christi religionem ac doctrinam exortunt.

21 Argumenta illorum nullius sunt momenti, & solum egent inspectione locorum Scriptura unde desumpta: ex illis enim clare liquet, ibidem agi non de cultu veri Dei, sed idolorum. Vide Valentiam supradictam.

*Obiectio.* Dices, Gentiles & Iudei, quando adorabant  
*An inten-* idolum aliquod, putabant illud esse verum Deum:  
*dant colere* ergo ex intentione ipsorum cultus ille tendebat in  
*verum* verum Deum. Sicut si diabolus in persona Christi  
*Deum.* loqueretur per imaginem crucifixi, & tu putans  
esse Christum, adorares ipsum, honor iste tendet in Christum. Confirmatur, Propter quod  
vnumquaque, & illud magis: sed ipsis colebant  
idola propter diuinitatem; ergo magis colebant  
diuinitatem.

*Respo: s.* Respondeo, negando primam consequentiam: inde enim solum tequitur, eos cultum suum direxisse in id quod stolidè putabant esse verū Deum, non autem in verum Deum. Sicut si quis agnoscat

& honoret pro Rege aliquem Regis hostem, sibi  
absque ratione persuadens illum esse verum Re-  
gem; non potest dici honorare verum Regem.  
Perinde enim faciunt idolatria, ac si quipiam,  
non facta prius diligenti inquisitione quis &  
qualis sit Rex, deligeret aliquem ex plebe in Regem,  
ob aliquod commodum ab ipso perceptum, eique  
honorem deferret: qui sane non conferetur velle  
honorare cum qui verè est Rex, sed alium, cui ne-  
fariè hanc dignitatem tribuit.

Ad probationem : Est dispar ratio. idolatria enim dirigit cultum extermum, & internam submissionem ad personam vel rem creatam, cui diuinitatem absq; ratione attribuit; iste vero ad personam increataem, nempe ad Christum; non enim intendit se submittere diabolo, nec illi putat inesse diuinitatem, sed Christo. In eo tantum fallitur, quod diabolum apparentem in persona Christi putet esse Christum; & sic tribuit illi diuinitatem sub ratione formalis persona Christi: qui error non est Iuris, sed facti: pote tamen hic etiam esse graue peccatum; si enim facilè possis aduertere non esse Christum, vel merito dubites, & non adhibita inquisitione vel debita cautione, adores tamquam Christum, committes idolatriam, faltem interpretatiæ & aestimatione morali; ac proinde peccatum mortale: eti enim formaliter & expressè non intendas coleri diabolum, sed Christum: tamen ita agis ac si intenderes aut certè parum curares utri è duobus cultum deferas. Si vero non possis id facile aduertere, ita virginitatem vel inconsideratio non censuratur crassâ, sed leuis tantum; non erit quidem peccatum mortale: quia non erit absolute voluntarium: à veniali tamen excusari non poterit; quia erit voluntarium imperfictè, scilicet ratione illius negligentia in confundendo, quod si nulla negligentia interueniat, erit formaliter actus latræ, & materialiter tantum idolatria; quia quod tendat in creaturam, nullo modo est volitum. Ad confirmationem : eti Gentes id, quod colebant, intendissent colere propriæ veram diuinitatem, & ipsa diuinitas fuisse ratio formalis obiectuæ: tamen in eo peccasset, quod hanc tribuerent rei creata, & colerent creaturam tamquam terminum integrum, & obiectum quod adorationis. Vt si quis haberet veram apprehensionem diuinitatis, & putaret eam conuenire aliqui homini, vel alteri creature, sicut inerat Christo, vel alio modo peculiari. Qua ratione Montanista, qui putabant Montanum esse Paracletum, non poterant scelus idolatriæ effugere, si consentaneum sua opinioni cultum ei deferebant. Similiter qui Simonem Magum credebant esse virtutem illam magnam, qua condidit Angelos, quam se esse iactabat. Idem dico, si Christus non esset verè in Eucharistia: nam adoraretur id quod ibi later, ob veram diuinitatem quam non habet, & ita latra tribueretur creatura, quod nihil aliud quam vera idolatria. Vnde ipse Ecclesiastum suam pernicioſissimè deceperit, dicendo *Hoc est corpus meum.* nam his verbis necessarii impulsiſſet eam in idolatriam. Deinde, tantum scandalum Ecclesiæ per talia verba datum debuit tandem aliquando tollere, & suam mentem clarè explicare, vt Ecclesia errare in re tanta desinaret, sed id non fecit, quin potius infinitis modis eam in hac sententia & adoratione confirmavit. Quare tam absurdum & blasphemum est, di-

cere Christum in Eucharistia verè non esse, quām dicere Ecclesiam suam perniciosissimè decepsisse, & fraudulenter fecisse idololatricam. Hoc obiter dixerim ob pestes huius aui. ex quibus patet quomodo possit idolatria esse, cūm creatura colitur ob veram diuinitatem, si hac illi verè non competit. Sed revera Ethnici non colebant res creatas propter veram diuinitatem, sed propter tecnum diuinitatis speciem & ymbram, quam putabant esse veram diuinitatem, nescientes quid sit vera diuinitas, & cui tribuenda: & ita non sequitur, illos coluisse veram diuinitatem. Potest tamen dici, veram diuinitatem ab eis cultam remotè, nimisquam quatenus conceptus illius confusus mouet hominem ad cultum deorum; sicut conceptus confusus felicitatis mouet ad appetitionem tam falsè quām verè felicitatis, & conceptus confusus boni, ad appetitionem boni, tam delectabilis quām honesti.

## D V B I T A T I O V.

*Quid sit diuinatio, & quanam eius species.*

22 **D**iuinatio propriè tantum est futurorum, quæ ex causis indeterminatis proueniunt, quorum prænotio est solius Dei, vnde dicitur diuinatio, quasi actio diuina & propria diuinitati. Græci μαρτιαν vocant επο & μαριες, à furore, vt ait Cicero libro 1. de diuinatione, fit autem vel reuelatione diuina, & sic vocatur *prophetia*; vel ope dæmonis, & sic propriè dicitur *diuinatio*, estque species superstitionis. Hoc modo passim accipitur in Scripturis, vbi soli illi vocantur diuini, qui ope dæmonis diuinant, vt notat Hieronymus in cap. 3. Michælæ. Hoc modo accepta *diuinatio* nihil est aliud, quām illicita usurpatio notitiae vel prædictionis futurorum contingentium. Sumitur tamen passim latius, vt extendat se etiam ad aliorum occulorum, quæ quis humano modo cognoscere non potest, illicitum studium & patefactionem: nam *diuini* vocantur, qui occultum sumunt, qui res perditas ostendunt, qui causas occultas mortis vel morbi animalium apriunt, &c.

23 *Generalem accepta quid sit.*

*Dæmones multis modis possunt plura de futuris nosse quam homines.*

Itaque *diuinatio* est, quando quis ope vel disciplina dæmonis, de aliquo occulto, quod humano modo cognoscere non potest, inquirit. Vbi aduertere, etiam si dæmones non possint certò cognoscere futura quæ à libero arbitrio alterius pendent, vt docet D. August. lib. de Diuinat. dæmonum cap. 5. & 6. & lib. 2. de Genes. ad litteram cap. 17, tamen possunt longè plura de rebus futuris aliquæ occultis nosse quam homines, idque quinque modis.

Primò, Quia cognoscunt exactè omnes causas naturales & viæ carum; vt solis, lunæ, siderum, elementorum, plantarum, animalium, &c. vnde facile colligere possunt qui effectus ex iis secuturi sint, vel abolutè, vel si certo modo applicentur. Sic facilè possunt prædicere ventos, tempestates, naufragia, mortes.

Secundò, Quia scilicet quid ipsi & alij dæmones malorum faci, Deo permittente facturi sint. sic poterant prædicere euangelion familiæ Iob, & ipsius calamitates.

Tertiò, Quia summam habent experientiam,

millies enim obseruant quid ex quo sequi in causis liberis soleat, quibus rebus voluntas humana hoc vel illuc impelli: vnde sèpè fit vt de futuris liberis verè coniecentur.

Quartò, Quia vident in longinquis locis causas iam positas, vel effectus inchoatos, & possunt celestite natura illos prævertere, & alibi prænuntiare. sic prædicere solent incrementa Nili in Ægypto, visa copia aquarum in Æthiopia, vt refert Athanasius in Vita B. Antonij.

Quintò, Possunt interdum aliquid de rebus futuris cognoscere ab Angelis, Deo permittente, vel ex Scripturis, quas melius intelligent quām homines.

Porrò diuinatio fit bifarijām. Primò, Per expressam dæmonis inuocationem, vt cūm diuinator intendit, & eo fine aliiquid agit, vt ipse se im-misceat. Secundò, Sine expressa inuocatione, interueniente tamen quadam tacita: & hoc rursus duplicitate; vel enim fit per solam inspectionem dispositionis aliquarum rerum; vt motus, situs, figura, vocis, lincamentorum: vel per considerationem eius quod ex aliqua actione humana ad hoc directa prouenit; vt cūm consideratur que figura in plumbo liquefacto aquæ iniecto resulset, aut quid in sortibus obueniat.

Itaque generatim sunt tres species diuinationis. Ad primam pertinet *necromantia*: ad secundam *augurium*: ad tertiam *ortilegium*; singula autem harum rursus habent multas species & modos.

Prima enim species, in qua diabolus expresse inuocatur, complectitur multos modos, prout dia-bolis variis modis consuluntur; aut confusus variis modis responderet. Primò, Consuli potest per sacrificia animalium; & tunc respondere solet per signa quædam apparentia in extis animalium: hoc genus vocatur *haruspicum*. Secundò, Per preces in idolis; & tunc respondere solet per idola; & vocatur *oraculum*. Tertiò, In suis prophetis, quos ipse poscidet, qui vocantur *pythonici* & *pythonissæ* & ἡσπεριδοι, & tunc respondere confundetur per vmbilicum, vel per partes pudendas; (dignum sanè os tali numine) vt docet Origenes libro 7. contra Celsum in principio. Quarto, Inuocari solet certo modo, vel loco, vel cum certa vocatione, aliisque carimonis, cubando, vt respondeat per somnia: & tunc facit hominem somniare ea quæ vult ipsi persuadere, & vocatur *ortepartea*. Quintò, Sèpè inuocari solet, vt exciter aliquem mortuum qui respondeat: hæc vocatur *sepulchralia*. Hac via est pythonissa, petente Saule cùm vellet sibi excitari Samuelē, 1. Reg. 28. quamvis non illius vi Samuel apparuerit. Sextò, Aliquando petitur vt respondeat per caput hominis mortui, & dicitur *sepulchralia*. Septimò, Denique multis aliis modis per varias adiurationes, vocationes, figuræ, specula, aliaque signa, quæ ipse instituit, inuocari solet à diuinis, vt occulta patefaciant, & ipse variis modis responderet.

Primò, Per speciem aliquam præstigiosam, oculis obiectam. Secundò, Per vocem in auribus formataam, quam nemo alias audire potest. Hi duo modi pertinent ad *præstigium*. Tertiò, Per varia visa in imaginatione: hac *pseudoprophecia* dici potest. Quartò, Per aliquæ figuram externam, quam ipse in re aliqua inanimata efficit, & conspicit facit, quæ quidem si conspicitur in terra, vel re terrestris,